

Nowodhow an Seythen

27/05/2008

An omladh erbynn browahysi re dheuth dhe Gernow.

Den neb a veu kemerys gans an kreslu yn Karesk wosa tardhans yn bosti, veu dyghtyes yn klavji Trelysk yn Truru yn seythen yw passyes.

Nicky Reilly a wre triga yn Aberplymm... le may feu y gryjyans treylyes dhe Islam.

Hwithoryon a lever bos an tanbellen esa ganso, a allsa ladha meur a dus... yn gwella prys ny wrug tardha yn tien.

An kreslu a lever bos hemma sin dhyn ni... ha dell vo edhom dhyn a vos hewel pup-prys.

Den re verwis war Dhowr Tamer wosa y dthinghy dhe dreylya penn a wartha dhe woles.

An droglam a hwarveu dy Sadorn yn nos ogas hag Essa.

Selwys veu y wreg gans peswar den yowynk ...i a dewlis dhedhi buoy bewnans.

Kuruner re ros y vreus yn seythen yw passyes war an peswarthek person neb a verwis pan dardhas jynn-ebren aspia Nimrod a-wartha Afghanistan.

Yth esa y'ga mysk Neyj-leftenans Gareth Nicholas neb a wre triga yn Tewyn Pleustri.

An kuruner a lever bos res dhe'n MOD kildenna an Nimrods.

Sport...

Hag yma Kernow owth ombareusi rag fit rygbi bras nessa seythen.

Y fydhons ow mos war hyns dhe Twickenham ogas dhe Loundres.

Heb mar y fydh orth aga skodhya, milyow a Gernowyon dhiworth Lu Trelawney.

Ymons i ow kwari y'n finel a'n Skoes Konetethek... mes dell wodhon ni lemmyn, y fydh

Kernow avonsys dhe'n Hanaf Beaumont nessa seson, pynag a vo an bennseythen ma.

Res yw dhyn aswon an ober gwrys gans oll an warioryon hevlyna... brassa rann anedha a dheuth a'n klubys Kernewek yn kenedhlek dew.

Hag yma Breten Veur owth aswon donsoryon a Gernow.

Bagas Kernewek re sewenyas ha kavos le yn finel a Britain's Got Talent, der an bellwolok.

An bagas yw gelwys Flava... ha'n eseli yw kemerys dhiworth Skol Dhons Fiona

Richardson yn Pensans.

Re bo dhedha chons an gwella.